



Hr Anda Uldum  
Inatsisartuni ilaasortaq

Inatsisartut suleriaasianni § 37, imm. 1 naapertorlugu GEUS-imut tunngasunik Naalakkersuisunut apeqquteqarsimavutit. Suliassaqarfinit akineqartussanngorlugit apeqqutit innersuunneqarsimapput.

**Apeqqutit:**

- 1. Sulisut qassit, ilanngullugit ujarassiuut, GSG-mit atorfinitsinneqassasut naatsorsuutigineqarpa (GeoSurvey Grønland)?**

Akissut:

GSG Inuussutissarsiornermut, Aatsitassaqarnermut Suliffeqarnermullu Naalakkersuisoqarfimmi geologiskimik immikkoortoqarfimmik aallaaveqartumik ilanngussornissaa naatsorsuutigineqarpoq. 40-t tikillugit sulisoqalersillugu, taakunanit ilisimatusartutut suleqatit 25-usut, teknikkikkullu-allaffimmi sulisutut 15 missaat, tamakkiisumik piginnaasaqalersinnissaat naatsorsuutigineqarpoq.

- 2. Ukiumut qanoq akeqassava GSG-p ingerlannera (ingerlatsineq aamma ilisimatusarneq/suliniutillu) – aamma illutassaanut sulisullu inissaannut aningaasartuutit qassiussappat?**

Akissut:

GSG tamakkiisumik atuuffeqaleruni ingerlatsinermit 40 mio. kr.-nik aningaasaliiffineqarnissaa naatsorsuutigineqarpoq, taakku qaavisigut suliniutinut 11,5 mio. kr.-nik aningaasaliisoqarluni. Maannakkut Inuussutissarsiornermut, Aatsitassaqarnermut Suliffeqarnermullu Naalakkersuisoqarfimmi geologiimik immikkoortoqarfianut ingerlatsinermit aningaasaliissutaapput 8,0 mio. kr.-t, suliniutinullu maannakkut aningaasaliissutaasut 11,5 mio. kr.-ullutik. Taamaaliluni isertitanut annertusisanut sianiginninneq sioqqullugu annertusisamik aningaasaliissutit pineqartut 32,0 mio. kr.-ussapput. Aningaasaliissutiniipput illunik ingerlatsinermit aningaasartuutit. Sulisunut inissiat Namminersorlutik Oqartusaniit agguaassassaasut ilagissavaat.

- 3. GEUS-p ingerlataanik tigusiarnermut atatillugu Naalakkersuisut kissaataanut ilaavoq, paasissutissanik katersuivimmik pilersitsinissamut kissaateqarneq. KNR-p oqallitsitsinerani Inuussutissarsiornermut Aatsitassanullu Naalakkersuisup peqataaffigisaani, Naalakkersuisup oqaatigaa paasissutissanik katersivimmik kikkulluunniit aallersinnaatitaassasut. Eqqorpa uuliasioqatigiiffiit/aatsitassarsioqatigiiffiit taamatullu ilisimatusarfiit nunarput pil-lugu paasissutissanik aallersinnaassammata (imaani nunamilu) ulloq taanna paasissutissat, paasissutissanik katersivimmik anngunniariartut?**

a. Taamaassimappat taava sooruna taama pingaartigisoq GEUS-p ilaata taasuma tigunissaa, paasissutissat pineqartut pillugit ullumikkut GEUS-imut aa-

13. marts 2014  
Sags nr. 2014-097262  
Dok. nr. 1513401

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: [isiin@nanoq.gl](mailto:isiin@nanoq.gl)  
[www.nanoq.gl](http://www.nanoq.gl)

## sinnaareeratsigit?

Akissut:

Uppernarsarneqarsinnaavoq, suliffissuaqarfiit ilisimatusarfillu paasiniaasaannut tunngaviusut ullumikkut tunngavigineqartut ingerlatiinnaarneqassammata. Imaappoq, paasisussutissat sukkulluunniit aaneqarsinnaapput periarfissaatitaasut malillugit, taamaattorli niuernernerup iluani suliat ingerlanneqartut pinnagit.

Nunatsinnit nunamut paasisutissat tamarmik GSG-mi tunngaviligaassapput, paasisutissanillu katersivinni katersarineqassallutik. Tassaapput ingerlatseqatigiiffinnit, ilisimatusarluni angalanernit pisortanilu oqartussaasoqarfinnit paasisutissat katersat. GSG aamma paasisutissanik nammineq katersaqarsinnaavoq, soorlu paasisutissat katersat tamaasa assilineri GSG-mut tunniuttussaassallugit Kalaallit Nunaannut tikissinnaatitaanermigut ilisimatusarsinnaatitaasunik ilisimatusarnikkut sullissisarfiit allat suleqatigalugit.

GSG-p aamma ujartuilluni qillerinermi katersat toqqortaralugillu aqutarivai. Kalaallit Nunaat pillugu nunamut ilisimatusarnikkut paasisutissanik tutsuiginartunik pitsaassutsimikkullu isumannaakkanik inuiaqatigiit, suliffeqarfiit innuttaasullu ataveqarnissaannut isumannaarinissaq GSG-p suliassaraa.

Paasisutissat paasisutissanik katersivinnut inissinneqaraangamik tamarmik kikkunnut tamanut ammaneq ajorput, uuliamut aatsitassanullu paasisutissanik akuersissutini piumasaqaataasuni isertuusseqqusinissamik piumasaqaateqartoqartarmat. Paasisutissat isertuunneqarunnaaraangata paasisutissat ilaat killeqanngitsumik atorneqarsinnaassapput, paasisutissallu allat iluanaarniutaasutut piumasaqaateqarluni pisiarineqarsinnaassallutik.

Akissut 3a:

Kalaallit Nunaanni aatsitassaatinu neriunaartuut, sermeq imerlu pillugit siunnersuillunilu ilisimatitsinerit tassaapput inuiaqatigiinnut paasisutissat pisariaqartut tusarliunnerisigut geologiimut tunngatillugu paasisaqarnissap siuarsarnissaani suliassat pingaarnert ilaat. Nunap aatsitassaataanik sunniuteqarluartumik piujuartitsisumillu aqutsinermut nunamik sammisalittut ilisimasat atorneqarnissaannut GSG suliqaarluni ilapittuuteqassaaq. Aatsitassanut tunngassuteqartunik apeqqutinik pisortani oqartussaasunut GSG geologiskimik siunnersuisassaaq, aammalu suliassaqarfiup taassuma iluani oqartussaasut suliassaasa isumaginerini peqataassalluni. GeoSurvey tassaassaq naalagaaffigisami geologiskimik **paasisutissaqarfik**, taamatullu piginnaasaqarnermigut oqartussaaffinnut, ilinniagaqarfinnut, suliffeqarfinnut namminersortunullu paasisutissanik ilisimasanillu atugassiissalluni, pilerisaarinertut aamma aningaasarsiutaasutut piumasaqaateqarluni ilusilittut ilisimatsitsinertut inissisimavimmi, kiiisalu nunani tamalaani ilisimatusarnikkut soqutigisaqatigiinnik ataqatigiissaarissalluni. Anguniakkanik taakkuninnga suliqaarsinnaaniarluni geologiskimik paasisutissat Kalaallit Nunaanni tunngaveqartinneqassapput. Soorlu Pinnngortaleriffik nunattinnut inissinneqarmat siunertarineqarpoq ilisimaneqalersimasut Kalaallit Nunanni pigiinnarnissaanut aammalu ilisimalikkat ineriartorsinnissaannut periarfissillugit. Taamaallutik suliffissuaqarfiit ilisimatusarfillu avatangiisii toqqaannartumik atassuteqatigiinnissat suleqatigiilluarnissaallu pisinnaalissalluni. Taamaallutillu suliffissuaqarfiit sukkannerusumik sunniuteqarluartumillu ilisimatusarnikkut misissuinerit iserfiginerullugit katersorsinnaalluarnerullugillu

periarfissaqalissallutik. Taamaaliornikkut piffiit ilaatigut sammisaqarfiutsisisuni paasiniakkat malinnaaffigineqarsinnaallutik missisuinerup iluata ingerlanerani.

**4. Inuussutissarsiornermut Aatsitassanullu Naalakkersuisup KNR-mi oqallitsisnermi aamma oqaatigaa "pissusissamisoortoq" GEUS-ip tiginissaa. Ilumut taannarpiaq kisiat Inuussutissarsiornermut Aatsitassanullu Naalakkersuisup GEUS-p tiginissaanut tunngavilersuutigaa – imaluunniit tiginissaaq allanik pissutissamisoortumik iluaqutissartaqarpa?**


Akissut:

Nunami geologiskimik paasissutissanik tamakkiisumik piginnittuunerup pilersinissaa Kalaallit Nunaata aatsitassarsiorlutut naalagaaffittut ineriartortinnissaanut Naalakkersuisut tamanna pissusissamisoortut alloriarnertut isigaat. Paasissutissat tamakku ujartuilluni suliarisat inerikkiartortittuarnissaannut, aammalu suliniutinik nutaanik ujartuisartutullu ingerlatseqatigiiffinnik aggersaaniarnernut tunngaviupput. Aammattaaq geologiskimik misissuisoqarfik tassaavoq ilisimatarnikkut suliffeqarfik, akissarsiarissaartunik sulisoqarfiusoq – tassaalluni nunaatsinnit sulisartunik ilinniagaqarluarsimasunik aggersaanissamut attassinissamullu tunngaviusoq.

GSG aatsitassanut tunngassuteqartutut pissutsinik pisortani oqartussaasunut geologiskimik siunnersuuteqartassaaq, aammalu suliasaqaqarfiup taassuma iluani oqartussaasutut suliasat isumaginerini peqataasassalluni. Tamakku saniafitigut GSG naalagaaffigisami geologiskinik paasissutissaasiviussaaq, pilerisaarnertut aammalu iluanaarniutigalugu piumasaqaateqarnermik iluseqartunik ilisimatitsinermik inissisimaffimmi oqartussaasunut, ilinniagaqarfinut, suliffeqarfinnut aamma namminersortunut paasissutissanik ilisimasaniillu atugassiilluni.

Naggasiutigalugu GSG-p aamma naalakkersuisoqarfiit pingaarutillit GEUS-imik pitsaasumik ilorraallu tungaanut suleqatigiinnerup ingerlateqqiiniarnerat erseqqissaavigineqassaaq, ilanngullugu 2014-ip naanerani atorunnaartussap ukiunut tallimanut isumaqatigiissutaasup sivitsorneratigut nutaamik suleqatigiinnissamik isumaqatigiissuteqarniarlutik. Tassunga atatillugu DCE-mit Pinngortitaleriffimmut ukiuni makkunani aallartisarneqartutut ilisimasaatinik nuussisoqarneq innersuussutigineqassaaq.

Inussiarnersumik inuulluaqqusillunga



Jens-Erik Kirkegaard